

衛生家寶產科備要

衛生家寶產科備要卷第三

免乳大故方書浩博自非素習誰能適從危殆之間頗艱應用今採摭諸方論中將護要法及預備經効要用湯藥名曰產科備要務從簡易以救倉卒

論初妊娠

凡女人妊娠若素來虛羸血氣不足體中有風氣心下多痰水者欲有胎喜病阻其狀顏色如常脉理和順但覺肢體

沉重頭目昏眩不思飲食惡聞食氣多  
嗽鹹酸心中憤懣不知患之所在以至  
三四月已後則大劇吐逆不能勝舉如  
有此證則宜服療阻病竹茹湯人參散  
地黃圓

竹茹湯治初有妊擇食嘔逆頭痛顛  
倒寒熱四肢不和煩悶

橘皮

洗去白

人參

去蘆切片

白朮

切碎焙

麥門冬

去心

各壹兩

厚朴

汁去皮以薑炙

茯苓

去黑皮

各半兩

甘草壹分

炙剉

淡竹茹

先刮下臨煎旋入

右為麤末每服肆錢水壹盞半入生薑淡竹茹各壹塊如栗子大拍破煎取捌分去滓微溫服

人參散治初妊娠惡食嘔逆

人參壹兩

去蘆片切

枳殼叁分

去穢銹碎炙炒微黃

厚朴

削去皮薑汁塗炙

甘草

炙

各半兩

右為麤散每服肆錢水壹盞半入生

薑彈子大壹塊拍破同煎至柒分去  
滓溫服不拘時候

地黃圓治初懷妊醋心嘔吐腹痛不  
能食或吐清水

人參

去蘆  
切片

乾薑

炮

各壹兩

右爲末用生地黃汁和圓如桐子大  
每服伍圓米飲下日再服

又妊娠臟氣皆擁關節不利切不可多  
睡食粘硬難化之物亦不須亂服湯藥

大忌針灸惟須數行步定心神不得悲  
憂驚恐刀負重震動若覺胎臟不安腹  
中微痛心意煩悶四體昏倦宜服安胎  
順氣阿膠散近難月即服順胎保安散  
千金圓

阿膠散治妊娠不問月數深淺因頓  
仆胎動不安腰腹痛或有所下或胎奔  
上刺心短氣安胎

熟乾地黄貳兩

洗細切  
酒浸焙

艾葉

切炒黃

當歸

洗切去蘆須焙

甘草

炙剉

芍藥

洗剉

阿膠

剉碎以蚌粉拌和銚內炒起候冷篩去蚌粉用

芎

洗剉

各壹兩

黃耆壹兩

若虛羸加此壹味蜜炙

右為麤散每服肆錢水壹盞半煎至

捌分去滓溫服若膏中冷逆氣加生

薑伍片棗伍枚同煎

保安散治姙娠胎氣不安心腹疼痛

胎動安胎極妙

當歸壹兩半

洗切焙去蘆須

人參壹兩

去蘆片切

甘草半兩

炙剉

阿膠半兩

剉碎用蚌粉炒泡起却篩去粉用之

右爲麤散每服參大錢水壹盞半入  
葱白壹莖拍破煎捌分去滓食前溫  
服未定再服

神妙千金圓治產前產後一切風冷  
血氣等疾產前胎氣不安腰腹多疼四  
肢疲倦姙娠臨月預合下每日空心壹



服臨產五臟不痛易產蓐中不生諸疾  
兼治產後惡血不盡及胎衣不下增寒  
壯熱吐逆煩悶皮膚虛腫或血暈狂迷  
眼見神鬼能補勻血氣

金釵石斛壹分

別擣為細末

秦艽

去蘆根洗剉焙

川椒

去子微炒

細辛

去葉剉

防風

去苗剉

貝母

麩炒微黃

熟乾地黄

切酒浸焙

糯米

甘草

炙

各壹兩

當歸

洗去蘆須

大麻仁

去殼取仁

黃芩

尖如錐者

乾薑

炮坐

大豆蘖

旋以黑豆長貳寸焙乾用

各參三分

石膏半分

軟者火煨

右精擇爲末以煉蜜成劑入木臼中

杵壹千下分爲柒拾貳圓擇除破天

德月德月合日合每服壹圓溫酒化

下產後產前赤白帶下溫酒嚼下產

前後或心痛血氣用薄荷湯嚼下月

信不通當歸酒下臨產艱難或三五  
日難產及胎衣不下子死腹中橫生  
倒產死絕不語但心頭有熱氣用藥  
壹圓京棗湯研化灌之下咽立瘥產  
後惡血不盡臍腹疼痛嘔吐壯熱增  
寒煩悶月候不調或多或少肢體倦  
怠皮膚浮腫產血不止虛勞中風口  
噤不語半身不遂產前後赤白痢大  
小便祕澀血暈狂語頭痛面色痿黃

漸成勞瘦飲食無味並溫酒化下壹  
圓產前臨月每旦壹圓至臨產用當  
歸酒下壹兩圓催生五臟不痛子易生  
論欲產并產後

凡欲生產切不可喧鬧產婦房門常須  
關閉選一年高性和善產婆又選穩審  
恭謹家人壹兩人扶持切不可揮霍致  
令產婦憂恐又忌閑雜外人喪孝穢濁  
之人瞻視若不謹之定是難產兼傷小

兒若腹中痛來但令扶行或行不得且立候行得更行或痛作陣眼中如火生此是兒回轉即進琥珀散壹服直至行不得即扶上蓐草務要產婦惜力或心中熱悶取白蜜壹匙新汲水調下或未解即喫生鷄子壹枚

琥珀散臨月縮胎催生兼治產後諸疾

川芎壹兩

焙略

當歸壹兩半

去蘆須切焙

右爲末每服叁錢水壹盞酒半盞煎

捌分去滓不計時候服

大凡生產自有時候痛不甚者名曰弄痛宜湏強行熟忍宜食軟飯若食飯不得即宜食粥及飲蜜漿勿令飢渴恐產婦無力困乏若經時不產進通靈散壹服若生畢煖少許醋墨與呷以童子小便調七寶散壹服心中自然開爽不住燒磚石以醋沃之直至柒日要令產婦鼻中常聞醋氣宜燒茅香白朮皂莢等

物切勿令見穢惡若產訖忽覺心中昏悶或眼花如在舟車中即是血暈急須服牡丹飲子黑神散

催生通靈散

又壹方在下卷產科雜方門

蛇脫皮壹條全者緊卷以蛭蚓泥裹燒黑近藥處泥些小用不妨

右爲末每服壹錢溫酒調下

七寶散初產後勻血和氣補虛厭驚悸

朱砂

研如粉

桂心

去皮不見火剉

乾薑

炮去濕氣

當歸

去蘆須切洗焙

川芎

剉碎略焙

人參

去蘆切片

羚羊角灰

茯苓

剉

右件等分杵研爲末若產婦平和三  
朞以前直至滿月每日各取壹字以  
羌活豆淋酒調下空心服若覺心膏  
煩熱即減薑桂冷即加之腹痛加當  
歸心悶加羚羊角心腎虛氣加桂不  
下食或惡心加人參虛戰加茯苓以



意斟酌日貳夜壹服不飲酒者以童子小便調却煖過服之

牡丹飲子療產後血暈悶亂神昏若口噤即斡開口灌必効

牡丹皮

洗剉

大黃

生用剉碎

芒硝

別研後入

各壹兩

冬瓜子半合

桃仁參朮箇

湯浸法皮尖

右爲麤散每服伍大錢水參朮盞煎至壹盞半去滓入芒硝服之凡欲產先

煎下以備緩急

單方黑神散防暈備急

馱護干不計多少以桑柴火燒以刀刮取黑煤更燒更刮令盡研爲末入真麝香少許如纔產了及覺血衝心暈悶取壹錢末以熱酒和童子小便調下

若產後心空但時與琥珀散壹服或煎芍藥湯進之更不用它治常進溫粥勿

與熱食如食熱則滯血或三五日內但覺腹中癰痛兒枕未定即進定痛散壹服琥珀散依第三項

芍藥湯治產後虛乏不思飲食四肢疲倦心腹陣痛補虛治氣

當歸壹兩半

去蘆須洗切焙乾用

芍藥

洗剉

人參

去蘆切片

肉桂

去皮不見火剉

生薑

後入

甘草

炙

各壹兩

生乾地黄貳兩

洗酒浸焙

右剉杵為麤散每服參大錢水貳盞  
入棗貳枚煎至壹盞去滓放溫服日  
參服

定痛散治產後惡血不止腹內熱痛  
不可忍及兒枕未定

當歸

洗去蘆  
須切焙

芍藥

洗

各貳兩

桂心壹兩

或體蒸熱以  
川芎代之

右為末每服貳錢水酒共壹盞生薑  
壹塊彈子大擘破同煎至陸分去滓

溫服之

若產後四肢安和亦不用多喫酒藥緣氣虛禁持未得却多昏眩唯飲童子小便無妨勿平身且側卧夜常須壹人看承令屈起兩膝卧睡即須頻喚覺虛羸困乏即空心進理中圓七寶散七日外恐喫粥無味或虛乏無力即爛煮羊肉汁黃雌鷄汁作粥未可喫肉亦不可傷及喫硬物便成積滯之患常以淨黑豆

壹升炒令煙出以酒伍升澆淋入羗活  
壹兩槌碎同浸常用此酒下藥或時飲  
壹盞大辟風邪令諸疾不生

四順理中圓治新產後臟腑虛不思飲  
食補養五臟

甘草參兩

炙剉

人參

去蘆切片

白朮

剉焙

乾薑

炮去濕氣

各貳兩

右爲末煉蜜圓梧桐子大每服拾伍  
圓至貳拾圓空心溫酒下

七寶散依前項

若三日後覺壯熱頭痛此是乳脉行即  
進玉露散貳服或大小便秘澁或發寒  
熱頭痛四肢如碎此是蓐勞或產後大  
渴胎損吹妳咳嗽別生他疾及帶起宿  
患亦宜檢尋別方治之月內不宜多語  
笑強起離床行或作針線運動恣食生  
硬不避風脫衣洗浴當時雖未覺大損  
滿月後或成蓐勞手脚及腰腿酸重冷

痛骨髓間颼颼如風吹縱有名醫卒不能療大都產婦將息須是百日方可平復大忌犯觸因此多致身體強直如角弓反張名曰蓐風遂至不救小可虛羸失於將補便成大患終身悔不及矣戒之戒之

玉露散治產後乳脉行煩熱或大腸滯澁肢體疼痛涼膈壓熱下乳

茯苓

剉

人參

去切

薑片



甘草

炙

各半兩 桔梗

去切

焙

白芷

洗 剉

川芎

洗 剉

各壹兩

川大黃

濕紙裹慢火煨熟剉

當歸

去蘆須切

各壹分

芍藥 參分

洗 剉

右為末每服貳平錢水壹盞煎至柒分溫服日參服若臟腑泄瀉即除川

大黃

衛生家寶產科備要卷第三

衛生家寶產科備要卷第四

產育保慶集方余收產論二十一篇議  
論精確無所不究蓋國醫博極方書所  
得之妙惜乎有其說而無其方郭君稽  
中爲時良醫尤長於治產故其切脉用  
藥屢取奇功一日願以所收家方附於諸  
論之末遂編爲一集真濟衆之異書也  
古人謂爲人子而不學醫者爲不孝則  
有方論而不傳於世者其可謂之仁哉

大觀三年九月五日濮陽李師聖述  
二十一論并增入十八論

李師聖編論郭稽中附方

第一論曰熱疾胎死腹中者何

荅曰因母患熱疾至六七日以後臟腑  
熱極薰蒸其胎是以致死緣兒死身冷  
不能自出但服黑神散煖其胎須臾胎  
氣溫煖即自出何以知其胎之已死但  
看產婦舌色青者是其驗黑神散

貳方

黑神散

桂

去麋皮不見火剉碎

當歸

洗去蘆須切焙

芍藥

洗剉

甘草

炙剉

生乾地黄

溫湯洗淨剉焙忌冷水

乾薑

宜用炒生薑代之

各壹兩

附子半兩

炮去皮臍

雄黑豆貳兩

小者是炒焦去皮

右為末每服壹錢匕空心溫酒調下

蒲黃黑神散

此方十八論云產後一切疾皆治之

雄黑豆貳兩

小者是炒去皮秤

當歸

洗去蘆并頭切焙

芍藥

洗剉

甘草

炙剉

乾薑

炮剉

肉桂

去皮剉不見火

生乾地黄

溫湯洗剉焙忌冷水

蒲黃

銀石器內微炒令赤或以紙襯銚子內炒紙黃為度

各壹兩

右為末每服貳錢空心溫酒調下若

三十已下及生產少婦人不用桂乾

薑入炒生薑紅花代之生薑紅花各

用貳兩經洗者並焙乾

第二論曰胎衣不下者何

荅曰母生子訖血流入衣中衣爲血所  
脹是故不得下治之稍緩脹滿腹中漸  
次上衝心腎疼痛喘急者難治但服奪  
命丹以速去衣中之血血散脹消胎衣  
自下而無所患

### 奪命丹

附子半兩

炮

去皮切

牡丹皮壹兩

洗剉

乾漆壹分

搗

碎炒

右爲末  
醋壹升  
大黃末壹兩同熬

成膏和藥如桐子大溫酒下伍柒圓  
不以時候

又十論云但服蒲黃黑神散逐去衣中  
血即胎下或帶斷亦同

第三論曰難產者何

荅曰胎側有成形塊呼爲兒枕子欲生  
時枕破與敗血裹其子故難產但服勝  
金散逐其敗血即自生成若逆生橫生  
並皆主之

勝金散

麝香壹錢

先研為細末

鹽豉壹兩

用舊青布裹了燒令通紅急以乳搥研為末

右為末取秤搥燒紅以酒淬之調下

藥壹錢已

又十八論云但服蒲黃黑神散解其敗血即自生也或橫生逆生胎衣不下此藥悉治

第四論曰產後血運者何



荅曰產後氣血暴虛未得安靜血隨氣上迷亂心神故眼前生花極甚者令人悶絕不知人口噤神昏氣冷醫者不識呼爲暗風若作此治之病必難愈但服清魂散自瘥

清魂散

澤蘭葉

揀淨

人參

去蘆

各壹分

荆芥穗壹兩

照

芎半兩

洗

剉

甘草貳錢

炙剉

右爲細末每服壹錢匕熱湯溫酒各  
小半盞調勻急灌之下咽喉即開眼  
氣定省人事

又十八論云但服蒲黃黑神散自瘥  
第五論曰產後口乾痞悶者何

荅曰產後宮胃大虛血氣未定食麵太  
早胃不能消化麵毒結聚於胃脘上薰  
膏中是以口乾煩渴心下痞悶醫者不  
識認爲膏膈壅滯以藥下之萬不得一

但服見現圓自瘥

見現圓

薑黃

片子剉

荆三稜

煨乘熱鑊碎焙乾用

革澄茄

不得用炒

陳皮

去白

高良薑

坐炒碎

人參

去蘆切片

蓬莪茂

煨乘熱鑊乾用

右柒味等分爲末用細切蘿蔔慢火

煮令爛研細將汁煮糊元梧桐子大

每服叁拾圓蘿蔔湯下不以時候

又十八論云但服蒲黃黑神散自瘥

第六論曰產後乍寒乍熱者何

荅曰陰陽不和敗血不散皆令乍寒乍熱產後血氣虛損陰陽不和陰勝則乍寒陽勝則乍熱陰陽相乘則或寒或熱若因產勞傷臟腑血弱不得宣越故令血敗不散入於肺則熱入於脾則寒醫人若誤作瘡疾治之則繆矣陰陽不和宜增損四物湯敗血不散宜奪命丹

又問二者何以別之

荅曰時有刺痛者敗血也但寒熱無它證者陰陽不和也

增損四物湯

當歸

洗去土并蘆須切焙

芍藥

洗剉

人參

去蘆切片

川芎

洗剉

冬青壹兩

甘草肆錢

炙

乾薑壹兩

上用生薑代之

右爲末每服貳錢匕水壹盞生薑伍片同煎陸分去滓微熱服不以時候

奪命丹見第二論

又十八論云但服蒲黃黑神散自瘥

第七論曰產後四肢虛腫者何

荅曰產後敗血乘虛停積於五臟循經流入於四肢留滯日深却還不得腐壞如水故令四肢面目浮腫醫人不識便作水氣治之血氣與水氣不同凡治水氣多用導水藥極虛之夫產後既虛又以藥虛之是謂重虛往往因致夭枉但

服調經散血行腫消即愈

調經散

沒藥令研

琥珀研 各壹錢

桂去麋皮不見火剉

芍藥赤者洗剉

當歸去蘆須切 各壹錢細辛去葉剉

麝香研 各半錢

右為末每服半錢匕生薑汁溫酒各少許調勻服之

又十八論云但服蒲黃黑神散後服

藥瀉下惡物自瘥轉藥是黑神圓在第十二論後

第八論曰產後乍見鬼神者何

荅曰心主身之血脉因產傷耗血脉心氣則虛敗血停積上干於心心不受觸遂致心中煩躁卧起不安乍見鬼神言語顛倒醫工不識呼爲風邪如此治之必不得愈但服調經散每服加生龍腦壹捻得睡即安方見第七論



又十八論云但服蒲黃黑神散自安

第九論曰產後月內不語者何

荅曰人心有七孔三毛產後血虛氣弱多致停積敗血閉於心竅神志不能明了又心氣通於舌心氣閉塞則舌亦強矣故令不語如此但服七珍散即瘥

七珍散

人參

去蘆切片

石菖蒲

節密者剉

川芎

洗剉焙

熟乾地黄各壹兩

細辛壹錢

去葉

防風

去苗

朱砂

研

各半兩

右爲末每服壹錢薄荷湯調下不以時候

又十八論云但服蒲黃黑神散便安

第十論曰產後腹痛又瀉痢者何

荅曰產後腸胃虛怯寒邪易侵若未滿月飲冷當風則寒邪乘虛進襲留於育膜散於腹脇故腹痛作陣或如錐刀

所刺流入大腸水穀不化洞泄腸鳴或  
下赤白腹脇腹脹或走痛不定急服調  
中湯立愈若醫者以為積滯取之則禍  
不旋踵謹之謹之

調中湯

高良薑剉油炒

當歸洗去蘆須切焙

桂去皮不見火剉

白芍藥洗剉

附子炮去皮臍去

川芎洗 各壹兩

甘草半兩炙剉

右爲養末每服參錢用水參盞煎  
至壹盞去滓熱服

又十八論云急服蒲黃黑神散後服  
調中湯

第十一論曰產後遍身疼痛者何

荅曰產後百節開張血脉流走遇氣  
弱則經絡肉分之間血多留滯累日不  
散則骨節不利筋脉引急故腰背不得  
轉側手脚不能動搖身熱頭痛若醫以

為傷寒治之則汗出而筋脉動踢手足  
厥冷變生他病但服趁痛散以嘿除之  
八趁痛散

牛膝

切酒浸壹宿控乾慢火炒焙乾

當歸

去蘆須洗切焙

白朮

劉碎焙乾

黃耆

蜜炙劉

桂

去皮不見火劉

獨活

去蘆劉川中者尤佳

生薑

切

各半兩

薤白

洗切劉

甘草

炙劉

各壹分

右為麤末每服半兩水伍盞煎至兩

盞去滓執服壹盞次壹盞續後再煖  
服不拘時候

又十八論云但服蒲黃黑神散即愈  
第十二論曰產後大便秘澁者何

荅曰產卧水血俱下腸胃虛竭津液不  
足是以大便秘澁不通也若過五六日  
腹中悶脹者此有燥糞在臟腑以其乾  
澁未能出耳宜服麻仁圓以津潤之若  
誤以爲有熱而投之以寒藥則陽消陰

長變動百出性命危矣

麻仁圓

麻仁

研碎

枳殼

去穰剉麩炒微黃

人參

去蘆切片

大黃

煨剉

各半兩

右爲末煉蜜圓桐子大空心溫湯下  
貳拾圓未通加圓數

又十八論云產後小便出血大便澀痛  
者何

荅曰敗血流入大小腸大小腸澀滯致

小便澁塞大便艱難人多不識作五淋治之不愈但服蒲黃黑神散後服黑神圓取下惡物即安

八黑神圓

巴豆

去皮以水貳枚煮盡為度去心膜細研去油

黑附子

炮去皮臍切片

肉桂

去皮不見火剉

白乾薑

炮剉

各半兩

右為末麵糊圓如蘿蔔子大每服叁圓至伍圓熱茶下再以熱茶投之即



行前第七論中云轉藥者即是此方  
切不可服尋常取積藥

第十三論曰產後血崩者何

荅曰產卧傷耗經脉未得平復而勞役  
損動致血暴崩下淋瀝不止或因鹹酸  
不節傷蠹榮衛氣衰血弱亦變崩中  
若小腹滿痛肝經已壞爲難治急服固  
經圓以止之

八固經圓

艾葉

揀淨剉碎炒黃

赤石脂

補骨脂

略炒香

木賊

去根節

各半兩

附子壹枚

炮去皮臍切片

右爲末陳米飲和圓桐子大食前溫酒下貳拾圓米飲亦得如陳米飲難圓即入雪糕少許搜和即易圓也

又十八論云但服蒲黃黑神散及黑神圓立瘥

第十四論曰產後腹脹悶滿嘔吐不定

者何

荅曰敗血散於脾胃脾受之不能運化精微而成腹脹胃受之則不得受納水穀而生吐逆醫者不識若以尋常治脹止吐藥療之病與藥不相干轉更傷動正氣疾愈難治但服巨勝湯必瘥

巨勝湯

赤芍藥

洗劉

半夏

湯洗七次切碎

澤蘭葉

洗燉

人參

去蘆切片

陳皮

去白

甘草

炙

各壹錢

生薑半兩

右爲麤末用水壹碗同煎至兩盞去滓微熱分叁服

又十八論云急服蒲黃黑神散次服黑神圓吐出惡物即安

第十五論曰產後口鼻黑氣起及鼻衄者何

荅曰陽明者經脉之海起於鼻交額中

還出挾口交人中左之右右之左產後  
氣消血散榮衛不理散亂入於諸經却  
還不得故令口鼻黑起及變鼻衄此緣  
產後虛熱變生此疾其疾不可治名曰  
胃絕肺敗遇有此疾急取緋線壹條并  
產婦頂心髮兩條繫兩中指上節即止  
無藥可療亦厭禳之一端也

又十八論曰產後口鼻黑氣起者何

荅曰產後敗血入臟腑既滿衝於頭目

却還不得口乾舌焦鼻衄黑氣是產後  
熱變作此候不可治也名曰敗肺

第十六論曰產後喉中氣急喘者何

荅曰榮者血也衛者氣也榮行脉中衛  
行脉外相隨上下謂之榮衛因產所下  
過多榮血暴竭衛氣無所主獨聚於肺  
中故令喘也此名孤陽絕陰爲難治若  
惡露不快敗血停凝上薰於肺亦令喘  
急如此但服奪命丹血去喘息自止奪

命丹方見第二論

又十八論曰產後喉中氣急喘者何  
荅曰產後敗血過於心轉於喉中此不  
可治也

第十七論曰產後中風者何

荅曰產後五七日內強力下床或壹月  
之內百日之中傷於房室或懷憂發怒  
擾蕩冲和或因灼艾傷動臟腑得病之  
初眼澁口噤肌肉攣搐以漸腰脊筋急

強直者不可治此乃人作非偶爾中風  
所得也

第十八論曰產後心痛者何

荅曰心者血之主人有伏宿寒因產大  
虛寒搏於血血凝不得消散其氣逆上  
衝擊於心之絡脉故心痛但以大巖蜜  
湯治之寒去則血脉溫而經絡通心痛  
自止若誤以爲有所傷療之則虛極寒  
益甚矣心絡寒甚傳心之正經則變爲



真心痛真心痛者朝發夕死夕發朝死  
藥不可輕用如此

大巖蜜湯方

熟乾地黄

洗酒浸壹宿焙剉用

當歸

洗去蘆須切焙

吳茱萸

揀枝梗去

獨活

洗蜀中者尤佳

芍藥

洗剉

乾薑

炮剉

甘草

炙剉

桂

去皮不見火剉

小草

遠志葉

冬壹兩

細辛半兩

去葉勿用馬蹄香

右爲麤末每服半兩用水參大盞煎  
壹盞去滓再入蜜壹匙又同煎參兩  
沸微熱服食前

第十九論曰產後熱悶氣上轉爲脚氣  
者何

荅曰產卧血虛生熱復因春夏取涼過  
多地之蒸濕因足履之所以着而爲脚  
氣之疾其狀熱悶掣癢驚悸心煩嘔吐  
氣上皆其候也服小續命湯兩參劑必

愈若醫者誤以逐敗血藥攻之則血去而疾益增劇

小續命湯

人參

去蘆切

黃芩

尖如錐者

桂

去麋皮不見火

麻黃

去節

防已

剉碎

川芎

洗剉

芍藥

洗

甘草

炙

白朮

剉

各壹兩

附子

壹箇

去臍皮

防風壹兩半

去苗

生薑

伍兩

洗去文切

右爲麤散每服半兩用水參大盞煎  
至壹盞去滓溫服

第二十論產後汗出多而變瘧風者何  
荅曰產後血虛肉理不密故多汗因遇  
風邪搏之則變瘧風也瘧者口噤不開  
背強而直如發癰狀搖頭馬鳴身反折  
須臾十發氣息如絕宜速斡口灌小續  
命湯稍緩即汗出如兩手拭不及者不  
可治此方不特治產婦凡男女偶中此

疾急以此藥灌之無不愈也或服它藥則不及矣

第二十一論曰產後所下過多虛極生風者何

荅曰婦人以榮血為主因產血下太多氣無所主唇青肉冷汗出目瞑神昏命在須臾此但虛極生風也如此急服濟危上丹神良以風藥治之則誤矣

濟危上丹

乳香

以竹葉盛又以竹葉覆上熨斗略熨過即研成末

五苓脂

不夾石者研

硫黃

研如粉

太陰玄精石

研

陳皮

去穢剉碎

桑寄生

剉

阿膠

剉碎同蛤粉炒泡起篩去蛤粉用

卷栢

生用

各壹兩

右將上肆味同研勻石器內微用火炒動勿令焦炒了再研極細後入餘藥末用地黃汁打糊圓桐子大產後溫酒下貳拾圓當歸酒亦得

又十八論曰產後血氣逼肺上氣咳嗽多  
縱睡者何

荅曰產後滿月血脉未通好食熱麵壅  
結成痰或有氣塊發時衝心心痛氣急  
咳嗽四肢寒熱心悶口乾背膊痠疼睡  
夢驚狂體虛無力時有汗出心痛月候  
不來名曰敗癥腹痛遶臍面色微赤因  
此不療縱然得較三兩日又發急服黑  
神散立愈

論臨月將息

凡產婦合要備急湯藥並須預先修合  
題號恐臨時倉卒難致臨月忌勿多飲  
酒即依產圖方位擇深靜房室入月一日  
即用惜地法於房內北壁薰令香潔

論新生小兒

凡新生小兒急以綿裹指頭拭兒口中  
惡物不爾流入腹中後生諸疾斷臍可  
長叁寸臍中若有蟲急撥去恐入腹內



三十五  
細了取生甘草寸餘搥碎水壹合煎濃  
汁以綿包子點兒口中當吐出惡汁盡  
半合無妨又取細研朱砂末壹字許以  
熟蜜調置兒口中令嘔之去驚邪參日  
湯煎虎頭骨少許豬膽汁少許和湯浴  
兒少驚無瘡令無惡疾每日頻就無風  
明處看兒上腭若有壹點白泡如竹膜  
起處速以指甲刮破更生更去之除灸  
臍帶外則勿加火艾恐成驚癇若有冷

熱夜啼臍瘡不乾變蒸諸疾自別有方  
治之今錄廬江劉寶助教經効小兒名  
方肆道

注唇膏治初生孩兒衆疾療胎風病

朱砂

研細

坯子臘脂各壹錢

白殭蚕朶箇

炒去  
絲絹

牛黃半錢

研

蝎梢半箇

右白殭蚕蝎梢用薄荷汁壹合重湯  
煮汁盡爲度焙乾爲細末研入坯子

朱砂等生蜜和爲膏逐日頻與孩兒  
注唇令自嘔嚥取効

豆蔻散治小兒夏月滑瀉冷痢不已  
腹痛瘦瘁食下即噁

肉豆蔻壹箇用餠餅麵壹塊如杏  
大裹豆蔻灰火中煨不住攪轉候  
色赤透熟取出剉焙乾

右爲細末每服半大錢柒捌歲至拾  
歲者壹錢用溫米飲調下日叁服一

兩日間愈

○○ 蝎梢散治小兒胎風及百晬孩兒臍  
風撮口無能救療者先用生腦子壹字  
填入臍心上用艾炷灸壹朶壯如不覺  
灸貳朶壯再添腦子大妙候定服蝎梢散  
蝎梢肆拾玖箇用薄荷葉逐箇搗  
以絲扎定於砂銚中衮轉炒令薄  
荷乾蘇爲度

白殭蚕肆拾玖箇生薑汁浸炒乾

去紫

右貳味爲末入生腦子抄半錢麝香  
少許研勻用紫色雄雞肝煎湯調下  
末半錢許併參兩服愈

治小兒諸般勦喘疾

烏雞卵壹箇

輕粉少許

右將雞卵於尖小壹頭打小穴子入  
輕粉在內用杖子攪轉令勻坐雞卵

於飯上蒸熟訖將與患者小兒喫只  
壹枚取効

累用經効方

隆興府學諭張世臣方

大聖澤蘭散治婦人血海虛冷久無  
子息及產後敗血衝心中風口噤子死  
腹中擘開口灌藥須臾生下便得無恙  
并治胎墮腹中攻刺疼痛橫生逆產胎  
衣不下血運血癖血滯血崩血入四肢  
應血臟有患及諸種風氣或傷寒吐衄

咳嗽寒熱往來遍身生瘡頭痛惡心經  
脉不調赤白帶下乳生惡氣胎臟虛冷  
數曾墮胎崩中不止因此成疾及室女  
經脉不通並宜服之常服暖子宮和血  
氣悅顏色退風冷消除萬病兼療五勞  
七傷虛損等病

澤蘭葉

去根  
曬乾

石膏

研

各貳兩

生乾地黄壹兩半

劉用溫湯浴  
過浪乾焙用

桂肉壹兩壹分

劉不見  
火用

吳茱萸

湯洗七次炒

厚朴

去麤皮剉碎用薑製壹宿焙乾

白茯苓

去皮剉焙

卷柏

去根剉

細辛

去苗并葉焙

栝子仁

揀去殼別研細

防風

去苗剉

桔梗

去蘆剉焙

白蕪荑各壹兩

白朮

切片焙

白芷

去稍剉

丹參

洗剉焙

乾薑

炮烈剉焙

五味子

去枝梗剉

藁本

去蘆頭洗

人參

去蘆頭切

川烏頭

炮去皮臍

川椒

去目及閉口者微炒出汗



黃耆

劉去蘆頭

各參分阿膠

劉碎蛤粉炒泡起去粉用

白薇

劉焙

各半兩

當歸

去蘆須洗切片子焙乾

白芍藥

劉

甘草

炙劉

川芎各壹兩參分

右爲細末每服貳錢空心臨卧熱酒

調下若急疾有患不拘時候

奪命褐散子姪娘四五月已上忽然

仆地手足抽掣咽中涎聲衮衮口眼不

開如小兒瘈瘲之狀名曰胎癇

甜葶藶

紙上微炒

芫花

醋炙乾焙燥

各半兩

郁李仁

湯浸去皮

地榆

剉各壹分

右爲細末每服壹字煎沉香人參釣  
藤鈎子防風湯調下如牙噤者用物  
斡開灌下調藥汁不過壹匙不拘時  
候沉香但磨藥汁尤妙如醒時只用  
防風煎湯調四君子湯服蘇合香圓  
及大聖澤蘭散半月餘其病脫然恐  
目昏不能視物不必疑慮氣血凝靜

自然光明謹勿服眼藥有三四婦人  
皆患此證寸口脉伏自關而下脉弦  
盖伏者氣不上外弦者有飲在內此  
必因胎肥流飲不化注入胎宮與血  
相搏子不安靜故氣不上升乃胎觸  
心絡遂有胎癰之證先是醫者用安  
胎養血之藥未効遂以此藥緣此證  
雖是產前之疾却當作產後治療迺  
是血不循經氣不升降氣閉血壅其

狀如癰當導氣而逐其飲氣通飲消  
則血循經入養胎安氣則子安靜矣  
累用經驗

地榆降血飲子治妊娠入月臨草之  
時血出三日而子未下手足不收昏瞶  
如醉不省人事此迺漏血過多血不養  
胎心氣逆上胎氣留連此名胎乾此藥  
治之神効甚速

蘇子降氣湯壹貼

乃捌味  
者是

只作壹

服加地榆壹錢半洗淨交門冬拾粒去心水壹盞半生薑貳片煎柒分去滓入乳香少許透明者鎔開溫服不能自飲者扶起灌之

大安胎飲子治妊娘胎氣不安腹脇刺痛經脉適來氣急上喘等疾

當歸

洗去蘆須切片焙乾

乾地黄

剉洗浪乾垂焙用

川芎

洗剉

赤芍藥

剉

地榆

剉

各壹兩

阿膠

剉碎蛤粉炒泡起去粉用

熟艾各半兩

黃芩壹分

剉

右爲麤末分作拾伍服每服水貳盞煎至陸分去滓通口服不拘時候吳白朮散安胎養氣常服十月中胎氣安定無諸疾苦

白朮

去蘆切片子焙

人參

去蘆切片子焙

白茯苓

去黑皮剉焙

甘草

炙剉

阿膠

剉碎蛤粉炒起去粉用

已上各等分

右爲呔咀每服參大錢水壹盞半煎

至柒分去滓溫服不拘時候

一滑胎榆白皮爲細末每服壹錢空心  
白湯調下自入月每日參服令易產  
兒生下藥皆塗身上

一催生并死胎不下草麻子參箇巴豆  
肆箇研細入麝香少許貼臍心上須  
臾間便下

一難產參兩日不生以蚕種紙半張燒  
灰熟水調下

係已出蚕種紙  
亦名馬明脫

一治橫生逆生灸產婦右腳小指尖頭  
如麥大參壯立產

又方蛇退皮燒灰酒調貳錢面東服  
又方鹽塗兒足底急去之  
又方車前子末酒服貳錢

一姙娠煩悶胎熱睡卧不得并腹中痛  
及難產知母新白者焙乾爲末煉蜜  
圓如小彈子大每服壹圓溫酒化下  
一姙娠偶因所觸或墜高傷折致胎動



不安腹中痛不可忍者縮砂不以多  
少和皮炒令熱透去皮爲細末每服  
貳錢熱酒調下胎即安神効

一胎動日夜叫呼口噤唇青及下痢不  
止者熟艾壹兩酒伍盞煮肆盞去滓  
再煎至貳盞服口閉者灌之亦治腰  
痛下血

一胎動及下血心腹脹者當歸貳兩川  
芎壹兩爲麤末水肆盞酒伍盞煎至

伍盞分參服若胎未死即安已死即便下

一產後血暈五靈脂炒令煙盡爲細末  
溫酒調下壹錢童子小便尤佳

又方乾荷葉爲細末每服壹錢溫酒  
調下

又方生半夏爲末壹大豆許吹鼻中  
又方紅花或蘇枋木酒水濃煮汁飲  
一產後中風眼上視四肢搐搦荆芥穗

爲末每服貳錢溫酒調下如不飲酒  
只濃煎湯服

一產後發狂每用大香附子去鬚皮淨  
爲細末每用貳錢入研極細好辰砂  
末壹錢以燒通紅秤搥侵好酒調服  
一產前傷寒不問陰陽身熱頭疼白朮  
貳錢黃芩壹錢蘆朮水壹盞煎陸分  
去滓熱服不計時候

衛生家寶產科備要卷第四